

退菴詩稿

陸頌著

光緒丙午年



832716

光緒丙午鑄

遐菴詩稿

素美軒臧板



光緒丙午鑄

遐菴詩稿

諷詠諸作神韻自佳筆力心思竝臻其勝惟率句趨韻
尚須淘洗無謂之作亦宜刪除發抒性情以寫哀怨古
人所尚若徒歎老悲窮有同蟬蚓吾弟英姿茂學宜加
困橫以期遠到勿以此溺志無任跂予

此葉澂君太夫子同治壬戌評語也微君及門皆
名下士而於先大夫尤契賞鉅繫餘暇恒以詩學相
切劘迨先大夫宦蜀微君即歸道山每一念及輒泣
然曰吾之得力於詩皆微君教也今冬稿本刊竟爰
以評語弁諸簡首比之吉光片羽云錫奎附識

序一

眉川集序

眉川詩氣體高華風神宕逸辭清而不流於薄思深而不入於幻古人中近劔南而排晁處出其右近人中近初白而沈著處超其前鄙人從事於此三十年略得此中甘苦今讀君作不覺退避三舍遵命僭墨尤心賞者鈐以小章間有可商處謚老先得我心當從之後有佳作望時時惠寄為幸同治壬戌立夏日楊敬傳十讀後識於颿西寄隱行素堂之後軒

序二

吾婁王弇州先生初結七子社尚論有唐諸家並無適從謝山人茂秦有言曰選李杜十四家之最者熟讀之以奪神氣歌詠之以求聲調玩味之以裒精華得此三要則造乎渾淪不必塑謫仙而畫少陵也余三復斯言以為作詩之要旨在是今讀眉川詩豪宕而渾厚幽秀而雋逸大家名家兼而有之殆得此中三昧與同治壬戌二月下澣謚盦汪元治拜識

覆瓿集序

歲庚辛余避居東海之煙邨與君腐尺咫往還以詩相切劇嗣後余客海門君之古瀛不復見者二年矣今春訪余瓊淫腐齋袖出近著屬校剪鐙十讀古體氣魄雄渾近體丁當清逸所謂三日不見刮目相待洵不誣也尤所心賞者用私印鈐出間有獻疑處粘條標識未識有當大雅否同治三年春三月謚盒居士元治拜書

序三

眉川同年經術湛深性情敦摯發為歌詠皆陶寫襟期讀之如見其人其精警處幾經錘鍊仍出以自然不同凡響余與眉川同里同年交最摯戊寅夏間相遇於鄂渚流連數日送其入蜀臨別依依忽忽二十年故人墓有宿草矣今春在婁小住哲嗣稚川哀其遺稿將付剞劂屬為校勘捧讀數過無任欽佩君之學問行誼足為後人矜式即此詩集亦必傳之作後起有人為掇拾而表章之其亦可以無憾矣光緒戊戌正月下澣年愚弟陸寶忠拜識

秦岱之異於培塿有煙雲以助其變幻也河海之異於涓流有百川以宏其吐納也惟詩亦然三百篇尚已自魏晉以逮今茲代有作者雖所造不同而要其得力則不外根柢乎經史以抒寫其性情伯兄眉川少穎悟讀書目數行下操管作文即異凡響先師王芷香夫子表伯錢蘭園中丞皆奇賞之稍長從葉徵君師游所詣益進慨世亂之日亟文風之日靡與沈君子復輩潛心書史務為有用之學咸豐庚申州城失陷避亂海濱流離遷徙中與同里諸君時相誦唱寇平返里先後肄業蘇城正誼上海龍門敬業三書院試必前列時主講席者

序四

為吳縣馮林一宮允興國萬清軒京卿寶應劉融齋太史皆刮目相待宮允並延課其諸孫其為前輩名流推許如此丁丑散館外用非其志也顧公餘之暇猶日手一編吟詠不輟雖相隔數千里時遞詩筒與余唱和君詩質而不膚華而不靡自少喜讀少陵昌黎玉溪眉山諸家詩故所作時復近之中更喪亂悲憤歌呼時形諸篇什述游京都宦川蜀得江山之助胸次益復開曠而要其卓然成家不徒襲前人面貌者則仍根柢乎經史以抒寫其性情而已猶子錫奎哀其遺詩得古近體若干首屬徐君菊生訂定釐為二卷以付手民曰覆瓿

者仍君初名不自滿假之志也君長余三歲於諸昆季
中友愛尤篤余之得以少有所知皆出自君教今距君
下世二十年矣回憶風雨聯牀一鐙譚菽恍若隔世每
一展卷盡自覺涕泗之沾襟也光緒丙午冬弟福圻孫

容甫謹識

序五

退庵詩稿存目

眉川集

辛酉年作一百二十首

補遺十三首

覆瓿集

壬戌至甲子年作一百三十二首

覆瓿續集

丙子至甲申年作七十七首

序目

東坡集

壬戌至甲申年作一百三十二首

東坡集

蘇軾十三首

辛酉年作一百二十首

蘇軾集

蘇軾詩話存目

太倉聞福增退庵

辛酉

元旦試筆

柏子盤空未整筵，閉門枯坐學逃禪。
夢為鄉思催歸雁，人似江春入舊年。
岾柳禁寒抽綫嬾，野梅辭臘鬥花妍。
屠蘇韻事闌珊甚，騷屑風塵意惘然。

夜雨不寐有感

閱世紛紛醉夢場，醒觀萬事轉滄桑。
落花流水原同幻，掣電轟雷為底忙。
冷眼看人三變面，熱心笑我九迴腸。
聽來一枕蕭騷雨，臥後清宵細細長。

詠懷

平生輕俠少折節，讀羣書少有不羈才。
長無鄉曲譽，豈謂竟護落棄置。天一隅，空負皦皦質。
受此汶汶污水，至清無魚人。至察無徒，終從漁父言。
何用慕三閭，鬱鬱澗底松。離離原上草，灼灼當路華。
宋宋巖阿老，霜雪一以侵。俗芳謝時好，眾枯我獨榮。
青寒不槁，高下亦尋常。要之在懷抱。

胸中鹿靈劍，可值千萬錢。揮手風雨至，龍吟殷我前。
十年塵匣拂拭光，倍鮮指顧鳴春雷。破壁飛上天，持此

大關山
八民圖
書齋印
壽山印

欲安適四顧心茫然

東家有賢女云住長干里褰裳采芙蓉結佩擷蘭芷少
小通詩書長成織羅綺二十尚未嫁婉婉深閨裏三五
美少年眷眷者誰子西家盛鶯花蜂蝶鬧春市咫尺障
東風零落怨桃李桃李自無言盛年難可恃時有蹇修
來空林為君起

織阿無停晷臨川有逝波鼎鼎百年內忽如電影過臘
盡復春來流光易蹉跎蹉跎良可惜况復風塵多臃臃
雲間月淡淡霧中花容華豈不好隔絕當如何
白日西北馳浮雲東南征可望不可即嬋娟空復情長

二

風動地起飄飄萬里程變滅飛鳥外孤光不能明焉得
層層霄綯爛含崢嶸崇朝一膚寸萬物專其榮徒懷捧
日志葵藿為誰頌

出門望堙里荆棘礙道周十步九蹉跎此邦不可留人
情畏諛險顛倒恩與仇對面作盜賊入室操戈利公然
肆媒孽談笑俄相讎何必登高山太行起馬頭達人貴
知命閉戶無所求枕藉有糟麴可以消百憂

和汪小笠連生元正試筆元韻

燕語鶯啼又一年新愁唱入衍波箋懺除塵夢游天表
撩撥春光到眼前花木平泉誰主管山河大地滿烽煙

繩林經卷蕭瑟甚宋窈空齋只舊瓊

題結鐵網齋詩集後

鐵網今詩伯吟窩寄海濱神仙原有劫花柳不知春妙
理黃庭悟清歌白紵新男兒工作達嘯傲逐風塵

和汪甥穉泉春雨原韻

雲樹家山似夢中
蕩搖客思任東風
麥苗傷雨還嫌短
花信禁寒尚未通
逐隊游蜂喧別館
覓巢新燕度芳龕
荒村桃杏垂垂發
冷澹無人也自紅
恨無緘素託微波
靈鵲音沈奈我何
兩岸垂楊橫釣艇
半畦新綠上農蓑
羶生落魄唯耽酒
阮籍窮途欲放歌

三

一樣鶯花誰作主
濃春煙景客中過

沿途荆棘礙人行
宋窈黃鐘瓦釜鳴
滿地江湖成浪跡
湯天風雨作秋聲
少陵鼓角悲誰語
仲蔚蓬蒿徑暗生
鎮日琴書消永晝
閑花野艸不關情

落英如雪草如煙
兩地傷春倚醉眠
白日參禪陶隱士

謚龔先生紅牙唱曲柳屯田
詠曲工冶游黯黯風裏獨立蒼

茫晚靄前腸斷子規
嗁不住樓臺何處似當年

詠白桃花疊前韻

薄暈輕描一抹中
水晶簾子玉屏風
渡頭春漲香如洗
洞口白雲路未通
淡淡曉妝嬌墮砌
離離倩影暗穿龕

竹籬苑舍安排好十丈游絲隔軟紅
翠減紅銷逐逝波月明團扇恨如何梨花寒食橫江笛
柳絮斜陽隱釣蓑病眼自羞雲母亂助嬌強付雪兒歌
生來風格清高甚不向元都觀裏過
冷淡荒蹊獨自行白頭小鳥伴慙鳴煙銷怨粉渾疑淚
夢醒曉紅為斷聲簪髻太真妝乍洗倚門雀護恨初生
絳衣人老胭脂歌錯恠東風過薄情
琉璃窗紙淡如烟粉蝶尋香欲醉眠白日聞仙空灑墨
青溪陶令已踈田饒他鍊骨冰霜裏笑我慚形珠玉前
清淨本來無色相瀉山悟偈問何年

寄調甫表兄海外

歷劫滄桑萬事非亂離煙景故依依鵲聲入夢偏嗁急
鯉信通潮却恨稀紅雨隔簾花韵減青衫和淚酒痕微
春雷寂寞魚龍蟄一任閒雲自在飛
樓臺烟雨已平蕪老我寒皋逐釣徒海內驚塵悽鼓角
天涯飛絮滿江湖傳聞楊僕還依鳥憤激終軍欲棄纜
落日中原回首望五陵佳氣未曾無
逐手黃金用盡時暫尋生計學鴟夷離家惱恨孤鐙夢
報國雄心一劍知懷璧似君甘蕙落懸疣如我病支離
荒村桃李春無主斷粉零香怨阿誰

東風燕子已無家，楊柳絲絲帶恨斜。
飄零書卷舊生涯，屠龍手段何因試。
畫席功名莫漫誇，欲問仙原誰指引。
青溪流水武陵花。

麥蠶

木宿乘金氣，生來火令當。
名添珍館美，陰益食單涼。
乍過蠶栖葦，纔看麥吐芒。
蛻蛾盤貯綠，燭蛹釜培黃。
細碾通身滑，圓搓着手香。
舍兒驚肖妙，園客誤繅忙。
覆盃疑眠箔，携籃認采桑。
眉顰工皺感，躬曲不軒昂。
農賽矜榆社，人歌厭柘鄉。
黍民徒擾攘，蠹賊太猖狂。
戢戢攢如簇，蠕蠕走亦僵。
撥矧功必售，縛繭計非良。
直似芻成狗，慙無蠚績筐。
絲綸空腹負，拳縮愛身藏。
隣叟煩親饋，山妻勸飽嘗。
淫伸隨俛仰，辛苦歷冰霜。
飢訝蜻螿嚼，咽形呈蛻蟻。
壇長朽，曾為蝶翅冷。
欲化蛆腸舉，世誰經緯斯。
民已粒糠江村風味好，耕織兩相忘。

過客

過客往來稀，淒涼獨掩扉。
駢頭敗菌出，街尾臭蟲飛。
鬼笑詩書拙，人憐面目非。
只求身自在，暫息漢陰機。

竟夕

竟夕不成寐，憂來首重搔。
月明猶犬吠，潮上怒蛙鳴。
命心如死空，談氣亦豪光。
陰催白髮莫為戀，蓬蒿

憎蛙

溪國疆水田繞舍宅沮洳老蛙踞其間放膽敢為崇伏
雨積滲漉驕陽煽炎熾叱咤泥濘中俛仰一天地鼓亨
腹如盜果飽無馱嗜跳踉攫長股賜睨決怒昔一唱和
者百勢如湯鼎沸昨宵風雨來入室騁游戲神淵蝦蟇
鬥巨壑蛟龍避大聲撼苑屋餘怒猶羸羸怪哉公虜虫
恐是鬼物使不然聚族殲胡為久縱恣仲蔚強解事兩
部當鼓吹淫哇亂正聲何止一枝畀所以周蠅氏灰洒
嚴剪棄抱竿爾有厄絕書吾何媿

憎蚊

夏蟲逐羶臭此物尤紛囂牛宮間豚柵出沒皆爾曹初
來與耳語嚶嚶復嘈嘈揮扇不肯去啗膚飲我膏騰身
兩股聳俯喙雙尻高我膚絃棗栗爾腹垂櫻桃彼眾而
我寡痛痒不耐搔快意用火攻爐炭燎鴻毛我本羸瘦
人食糠舖其糟乃以有限脂供爾無限饜公然肆鬼域
猛鷲如鷹鷂黑暗抵隙來欺我非雄豪螭螟亦何事承
睫為爾巢假之以羽翼自謂結搆牢一旦霜雪加爾命
將焉逃空詡負山力僕緣亦徒勞

白荷花和謚盒丈元韵

倩影亭亭立澗濱每於澹冶見丰神如從太液移嘉植

獨讓凡花媚好春翠袖雲迷歌扇客玉簫聲怨盪舟人
漢皋仙子分明在水珮風裳畫不真

鉛華不記開妝年綺素輕盈態自然羅襪雙鉤人似玉
冰銷幾幅帳如煙芰衣騷客瑤芳在蓮座如來寶相圓
欲證菩提空色相散花天女倚嬋娟

衣香人影鬥離晴褪却紅妝百媚生一抹煙波涼有韻
滿湖風月悄無聲鴛鴦窺浴清如拭鷗鷺眠沙洗愈明
我欲浣紗溪上住綺羅隊裏棹舟輕

極目銀塘渺渺思天然丰格自矜持風波閱徧情歸淡
妝淚啼殘夢醒癡聞士只今依白社蹇脩未肯諾紅絲

玉杯何處漚心碧錯恠馮夷捧出遲

瀛中白綺尚無消
息為恨者久之

有感

莫邪已鈍試鉛刀擊鼓從軍誤爾曹投鼠須知終忌器
公羊應悔晚修牢立清巢穴談何易擔埽鯨鯢氣亦豪
歎息東南諸將帥怕聞烽火厭鈴韜

酷暑和澹翁

連日矮屋中困我炎蒸酷前舍豚苙栖後隣牛宮卜行
坐無寬閒欠伸常踏踞皇天降威淫大地潤暑溽團團
火齊盤皎皎扶桑木赫赫羲鞭來亭亭炎繳卓赤烏逼
空飛黑蛟蹲底伏夜來斗指未餘熱猶燭燭明河光熊

熊妖星躔煜煜打窗拍白鳥繞舍逐紅蝠燈昏奇鬼舞
月黑老龙哭嗟哉此廬旅何異坐桎梏偃蹇猿伏檻徧
仄牛設福欺人遠東豕作怪賈生鵬調語祛煩惱冥心
契卜築俯欄萬柄荷瞰窗數竿竹綠槐高如山清泉出
於屋薰風韻琴軫白日閒碁局涉想忽若夢乍寐亦已
覺觸熱不能吟煩歎亂心曲

六月十九日雷雨

炎天鬱鬱蒸如火金鏡燒空紅不墮晝昏忽訝西陽頽
狂風萬里驅頑雷墨雲何蓬蓬排盪聲摩空流泉奔瀉
雨如注平地擁出蛟龍宮湯天妖霾塞牛斗雷公怒起
踏雲走磬擊鼓天門開俯視下界多塵埃厭兵卻欲
洗兵氣手挽銀河萬丈厨注從天來破屋搖搖水入戶
一院人禽盡飛舞須臾雨勢更翻盆簸山盪海擲乾坤
雷車風馬一齊作掃蕩長蛇封豕駭突逃無門仰天白
龍挂如箸大呼我欲攀鱗去

索居寡懽因憶崇川諸友各繫一詩以寄遠懷以
訂交之先後為次

錢郎才思好風月門雙清蘭杜曉邊曲芙蓉畫裏情雄
姿何颯爽大筆况縱橫院品君家法黃筌舊擅名芝門
天壤誰知己風流獨數王右軍才敏妙摩詰畫精良舊

業青羶在高歌白日長莫憂生計拙翰墨擅千場子升
平原交道古此意在規箴浪迹同元結高風想展禽性
情真曠達崖岸太蕭森山水鍾期在焚香為撫琴仲谷
掉首入煙霧閒雲逐雁過經營隨處足識見勝人多
傲青門意狂吟白石謔君家傳故事安樂有行窩少麓
落拓張公子奇才迴不羣還山讓求點入洛傲機雲酒
國君摩壘詩壇我斂軍何時吟讌地剪燭話殷勤孫鄂
昆仲
瀟灑詞壇客風雷筆有神孫陽本知己姚合倘前身琴
劍飄零慣文章際遇新君赴崇明龔鳳臺之招
龔係君辛酉拔萃同年望門書
乞米君看眼中人崑軒

九

腐窗坐雨有懷

晨起坐蕭齋窻紙溼煙霧風雨如故人既來亦已屢積
潦浩縱橫蒼苔滑行步之子期不來閒雲滉何處

寄飲堂調甫昆仲

茫茫一水海雲東地角天涯任轉蓬直與豺狼同性命
能輕較鱷即英雄交泛淡處何妨速詩到真時不在工
紙上狂談如面晤尺書早趁鯉魚風

楚少晚眺有懷

依依墟里上炊煙珍重浮雲夕照邊一帶矮房如牒地
四圍遠樹欲攢天閒攜短笛看歸犢冷抱疏槐聽暮蟬

極目海波東盡處鯉魚風起盼飛箋

夏夜懷謚盒

灼灼天半星遲遲海上月羈人坐遙夜秋興先時蒺松
風繞廊清竹露緣徑滑陰蟲蹠牆根流螢轉庭樾風物
既淒緊旅愁肯銷歇縱橫豺虎場慘澹蛟龍窟我非古
逸民狎狂被疏髮俛仰一身世何處尋薇蕨先生黃綺
輩煙霞戀仙骨投詩乞真言倘惠迷津筏

消夏

黃蘆苦竹繞籬栽兩扇柴扉倚水開一帶清溪橋影裏
綠槐如雪滿空栽

十

身在蒼青老翠間四圍大樹立當關分明眼底增奇景
風雨迷離十萬山

牽蘿補屋住當中籬落高圍一畝宮莫笑山人無長物
豆棚瓜架作屏風

糝糊破紙敞疏寮案上清娛慰寂寥東舍芭蕉西舍竹
縱無風雨也瀟蕭

偶隨鄰笛訪詩盟修竹沿隄管送迎滿地松花人不歸
閉門時有下碁聲

停琴織筵月黃昏淡對清輝且侑尊入夜頗饒秋氣味
滿庭風露不關門

窮愁

無才只合老風塵，莫把窮愁斷送身。
閉門風雨卷中人，絕交劉峻書非嬾。
我亦願投雲水窟，去尋鷗鷺作比隣。

病中答謚盒

二豎條來往沈憂，獨抱疴靜中參夢。
病添詩債無錢，耐酒魔感君珍重。
久病不知悶，空齋慣夢遊調羹。
鬼能為崇，良方別樣投大書王鎮惡高揭臥牀頭。

寓懷

范衾典盡阮囊空，賸得殘編破屋中。
胸無奇句是真窮，飄零書畫清芳歇。
潦倒寸心獨不死，要隨宗慤破長風。

汪謚盒文以頻婆果見惠，并示短章依韻和之。

甌駱有荔支，珍鮮來海道。此物尤佳品，足以挾嘉蔭。
亦好感激玩，且誦如癢得仙。不疑是詩通靈道，味生梨棗碧椀威。
報君無瓊瑤珍攝，以為寶同采度索。挑此生各自保。

又和海上秋居感懷元韻

采薇休問首陽巔，伏處江皋任自然。壯志何時鬪馬革，
虛名幾輩擁貂蟬。江湖满地愁孤雁，雕鷲盤空瞰暮煙。
聞說材官多少在，葡萄酒醉枕戈眠。

枯索真同固轍居，目於智井奈河魚。貧無醫藥偏多病，
話到功名半是虛。日下湯占龍鬚氣，妖氛坐看斗牛墟。
驚心兩度秋風至，衰柳長堤綠似梳。

滿林紅葉噪昏鴉，病裡閑愁不耐譁。整頓沈疴無饋藥，
思量消渴自煎茶。白衣誰送淵明酒，黃菊強尋杜老花。
輸與先生工作達，小窗燈火誦南華。

海濶雲空天四垂，立錐無地那伸眉。閉門枯坐清愁日，

十二

倚枕殘缸假寐時，寬抑靈均天欲問。椰榆白晝鬼脚欺，
誦君佳句吟身健。莫便爭誇杜老詩，前詩有祛瘡之句

秋燕

頻年作客太匆匆，零落楓江夕照中。舊院春風迷宿草，
新巢秋雨歎飄蓬。倚他檐下隨疏鐸，駐我天涯逐斷鴻。
寄語紅襟休着惱，護寒韋有主人翁。

秋蟻

強抱幽花未算癡，冷傳瘦影怯腰支。栖身翠減紅銷地，
回首金迷紙醉時。莊叟夢魂原冷淡，滕王畫本總清奇。
含情若問尋香事，桃李春芳了不知。

和及之秋郊晚眺即用其韵奉懷
蕭條四壁夕陽空露葉霜枝翠間紅滄海有潮龍氣入
碧天無際雁書通噪鴉覓樹蒼茫裏叱犢歸邨香靄中
悵望停雲君憶否相思兩地有人同

聞子泉師丈有恙詩以問之

文園工臥疾原憲善安貧世事遭屯蹇吾生語苦辛艱
難醫為貴瑣屑未鹽親珍衛湏加意閒愁誤此身
我六身多病纏綿二月餘慰情聊強飯消悶有殘書瘦
削嫌寬帶疏狂懶整裾幾時吟步健携酒過君廬

鳳雛

西山何高高與浮雲齊上有雙鳳凰凡鳥千百隨一
只羽化去遺雛守孤雌羽毛未豐滿不鳴亦不飛啾啾
仰天訴悲風淒以迷梧桐何萋萋竹竇何離離清商動
地至零落將誰依我欲上高巖截業愁攀躋荆棘妨芝
蘭蕪穢不可治豺狼瞰其側梟獍鳴其陂常恐異物害
弱質誰扶持哀哉對鳳雛沈痛傷心脾

飢鷹

霜拂晴毫電轉睛臂鞬翻倒一身輕穴中狐兔藏何益
眼底蟲沙怒不平猛氣空隨雙翅翻勁飽颺應慮萬人驚
凌雲健手知多少衰草秋原暮靄橫

病馬

龍媒驥子鼓躋攀，憔悴安却等閑列。烙錦花官印瘦，消磨棧豆主。緣慳盜車病骨辭，金勒塞艸秋風夢玉闕。看取騏驎天上種，鞭梢影裏凱歌還。

飢鳥

田家晚飯近黃昏，暝色團圓翻數點。痕慘澹禁煙，疑冷節艱難。哺穀念慈恩，栖身巢穩膽。誰屋獲稻場，空去別村。莫向荒城飛啄肉，驚人烽火焰千門。

病鶴

病卧空山深渡深，豈如倦羽願踈林。淒涼明月三更夢。

十四

冷落秋風萬里心，生受煙霞耽痼癖。懶尋猿鳥與浮沈，天寒暫息凌霄念。孤抱梅花只坐喑。

養疴

養疴守衡茅，閉戶避塵跡。魚龍海岸秋風雨，吟燈夕思兼。夜漏永，夢與鄉愁積。欲踈不得踈，奈此羈栖客。

殘菊

荒村足秋色，繞籬有殘菊。手採植膽瓶，可以媚幽獨。名花如往士，煙霞亦清福。酬賞急無從，新醅還未熟。

讀榮一居士詩

胸中鬱壘塊，開卷托吟誦。蘇門發長嘯，天半下鸞鳳。古

來樂道士簞瓢亦屢空此意知者誰寤冥於陵仲

湯興

悶枯枯管別殘燈細改新詩得未曾怪道句多蔬筍氣
荒廚齋飯似山僧

漁洋妙譜本分明一片天機出性情詩境莫如神韻好
張王樂府是新聲

客淚

冥冥氛祲滿塵寰客淚天涯兩袖斑萬骨蟲沙埋碧血
六朝金粉剩青山登樓王粲頻多感投筆班超誓不還
莫道有家歸未得夢魂昨夜到鄉關

感秋

十五

高秋颯爽人人喜今日之秋亦已矣天地黯慘忽異色
悲笳嗚咽愁雲起一從避亂東海陬兩年病臥秋風秋
蒼涼村落無烟火飢鳥寒雀聲啾啾霜枯日瘦青州死
狐狸滿野蒼鷹愁憶昔吾吳全盛日三江財利通九州
粟紅貫朽不可校齊綾魯縞纏樹頭上游貴官逐聲氣
絡繹冠蓋鳴清騶前庭柎械後簫管充牣囊橐苛誅求
剝沒否泰固其理冠履倒置速於郵向來甲第連雲浮
等閒華屋成荒邱屠沽市兒跨駿馬意氣坐擁千金裘
飄零獨有風塵客故園一別無消息白楊城郭鬼火紅

飢走荒山歸不得君不見稻梁謀足陽雁飛秋來還有
春歸時

滄江哀

滄江烟月荒樓址鐵笛梅花吹不起謝公絲竹去後盡
五百年來壇坫圯悲笳慘人烽火紫日落沈沈鼓聲死
江湖滿地愁不歸秋風聽唱南鄉子

初冬掃墓余因病未赴感而賦此

高秋日色昏卧病向江邨銜紙烏飛影炊煙鶴避痕亂
時虛俎豆薄祭有雞豚咫尺松楸在雲山阻墓門

煙村

秋風一病煙村客飽我飢腸粗糲供曲港暗潮鳴野碓
荒祠落葉滿霜鐘礙人欲斬離披草蟠地深藏偃蹇松
隔壁田翁喧索飲醪錢賭酒話從容

謚翁投簡蒙詢近恙并以新作見示長句奉贈

清晨剥啄驚栖鴉長吉奚奴負囊至囊中詩句閉瑤札
開緘奕奕銀鉤字披衣急起擁被看但見青紅浮蜃氣
朗然長吟老屋中筆底疑有千蛟龍海天霜高唳鶴鶴
俯聽萬鳥喑秋風可憐鐵網翁與我忘年交相逢即痛
飲醉倒杯中醪天風吹漾蒲桃醪飲君美酒唱君曲酒
邊往往肝膽露高歌夜半鬼神哭餓填溝壑自有命醉

飽生前死亦足，豈知一病秋風過。酒杯冷負荒籬菊，思君不得把君臂。絡繹詩筒空往復，渭樹江雲咫尺愁。夢魂飛向詩人屋。

飲酒

昨日之事不可留，明日之事無煩憂。今朝有酒往須飲，一醉換却千金裘。東村老翁性嗜酒，吟詩百篇酒一斗。酒酣拔劍一大笑，卧堂白日作牛吼。閉門萬事無絲束，觥船拍浮呼畢卓。長鯨渴飲酒杯空，怒唱秋濤變醜醜。秋興疊謚倉海上秋居韻。

依稀萬木翠微巔，皎皎丹楓夕照然。露下天高橫斷雁，

十七

風吹樹秃噤寒蟬。誅茅門巷稀行跡，燒笋山厨冷爨煙。况是呻吟人滿屋，藥爐聲裏枕愁眠。矮屋扶疏衆木垂，檐侵額角戶侵眉。草堂杜老歸何日，芝嶺臈翁去幾時。隔歲黃楊逢閏厄，經秋紅樹怕霜欺。相憐只有東村叟，重疊西崑唱和詩。

與孫客弟夜話

相憐同病話辛酸，燈火青熒泣夜闌。自古奇才多骯髒，本來清福是平安。女洗磨瘦骨嘗冰雪，雕琢窮愁損肺肝。剩有大言虛慰藉，鑄英雄處在飢寒。

讀釋泉移居詩

三度移家兩載中蕭條行李屋西東
輸君覓得消愁侶不是詩翁是酒翁
八口嗷嗷生計微得安身處且忘機
烽煙隔斷天南北多少江湖鴻雁飛

即事

兼旬卧疾太纏綿擁被茆廬向日眠
排悶戲看兒脫襪畏寒預喚婦裝棉
家無酒肉人都佛夢到承平病亦仙
推枕移牀忙甚事恐防一夕要三遷

遣懷

抱甕澆園生計微風塵暫息漢陰機
青松蟠地龍僵卧

十八

黃葉辭林蝶亂飛午夜家山猶夢在
丁年冠劍未全非苟人錯認閒鷗鷺
拳足無心坐釣磯

冬日田園雜興

轉盼秋光老蕭蕭響朔風亂鴉團陣黑
敗葉積階紅裘纒煩妻補衾寒喚弟
同閉門似坏戶我本可憐蟲

日日齋頭坐蕭閒病倚筇水谿明月碓
鄰寺夕陽鐘野哭千家靜鄉心五夜濃
莫言無長物文史足三冬

挑菜邀農話烹茶待客來無情刪惡草
隨意坐荒苔書訊天邊雁詩情嶺上梅
神仙如可接風引到蓬萊

宋宗子雲居寮寮問字車養猶虛蒔水
貧莫怨詩書斫

地歌何壯，依人計亦疏。寄言彈劍客，莫更歎無魚。
著盡蒼黃劫，棋殘局一盤。在山無濁水，並海有驚瀾。
高士黃花瘦，佳人翠袖單。歲寒松柏在，悟到後彫難。
浮生如夢耳，此夢太無聊。閉戶庭羅雀，携壺酒換貂。
水深魚性定，草淺雉媒驕。其奈知音少，琴桐尾半焦。

落葉

零屋鴉點夕，陽紅搖落荒江冷。晚楓粉褪，香衣飛瘦蝶。
烟埋古砌，訴寒蟲成樓。月白宵笳外，佛寺燈青暮梵中。
莫使狂飈吹太惡，等閒散作九秋蓬。

兩疏煙淡近黃昏，冷窈秋光自閉門。暮府栖梧依社老。

十九

郵亭枯樹泣桓溫，雁攜明月飛前浦。鴉帶斜陽過別村，
一樣春風花事了。縱然零落也歸根。

煙靄微茫咫尺迷，翩翩無定任東西。干戈影亂飛黃土，
刀箭聲殘怨素閨。入水不如萍結蒂，隨風恐似絮沾泥。
年來未盡漂搖感，江店山村逐馬蹄。

深宵瑟瑟響鳴灘，風走空階月繞闌。如此湖山淪落易，
無邊霜雪護持難。家栖木葉人都老，詩入楓江白亦寒。
海角天涯猶故地，飄零莫作異鄉看。

前詩意有未盡再作二首

朔風吹噫太調刁，秋入長空氣泐漉。歷劫冰霜身尚在。

經秋老病鬢先焦，萍蓬飄梗由前定。松柏禁寒，後凋
朝菌大椿原一樣，南華妙旨本逍遙。
搖落秋聲，又一年霜華如水月如煙，託根未要扶持力。
結習還歸清淨緣，湖海飄零無著地，雲泥踪跡總由天。
集枯集蕒，閒消息遞到愁邊，與醉邊。

冬夜聞雁

冬來客况太分明，聽徹長更復短更。風月自憐漂泊影，
關河總帶別離聲。樞梁拙計勞終歲，萍絮浮蹤誤半生。
問爾何心酬應我，隔窗唳喚倍多情。

漫成

人情變幻亦滄桑，閱盡千場與萬場。夢裏還家無奈醒，
閒時索句轉愁忙。能消清況非庸福，不落浮名是古狂。
莫豔蓬壺仙境好，優游總在白雲鄉。

寄沈少卿

讀盡奇書生面開，此生原不冀空來。漢唐以後無餘子，
賈馬從前有辨才。理學支離違孔孟，文章輕薄笑鄒枚。
是非總在憑公論，說與時人莫浪猜。

余策春將有崇川之行，先此奉懷，即寄調甫及之。
表兄

塵沙吹浣舊青衫，兩處鄉愁一例攬。賈有貪廉殊雅俗，

地分江海即仙凡聽未笳鼓心先警望到達壺眼欲饒
蚤晚神山擬飛渡天風為我引袂

寄敘堂表兄

焚輪墮地急隕風吹斷人間幾處鴻冷落詩書無氣色
支持寒餓亦英雄巢空燕雀江雲暗浪接魚龍海氣凶
同此飄零君勝我蓬萊清淺隔塵紅
長歌天外寄愁來磊落如君生面開醉後狂言防酒失
眼中奇景入詩材從前聞著呼鷹路此去須登市駿臺
莫笑元龍湖海氣粗豪原自不凡才

我亦鸞飄鳳泊身天涯聚散了無因掉頭煙霧息忽別

二十一

過眼風雲色色新塵海莫教成浪跡仙源倘去問迷津
桃花漲起君回首一片春旻是故人

感懷寄呈調甫

敢鬪才華賦子靈倭游無恙馬相如浮名入夢驚隍鹿
陳迹回頭笑磨驢珠怕聞投防盼者玉逢善賈待沽諸
野雲自在深山裏憑仗天風為卷舒

廢藥

十年曾伴讀書堂刺有空藥半壁傍白屋影形憐獨在
青燈甘苦憶同嘗風塵已分遭長棄燭火何從近末光
檢取兒時舊情味賸煙零墨太淒涼

斷碑

大碑中斷立森森寺破陵荒子細尋卧倒龜趺人窈窕
礪殘牛角草深深摩挲甲乙無端倪剝蝕星霜自古今
為問年來興廢迹低頭翁仲似沈吟

壞琴

指法空談妙絕羣鷗絃鐵撥散如雲塵沙眯眼留焦尾
龍鳳低眉隱斷紋不值相如貧後典須防安道恨來焚
碎琴莫恠牙生怨山水知音久未聞

破硯

墨汁揮殘已十年恠來頑鐵果磨穿土凝只恐防金鏢
玉碎何能作瓦全弦月半規藏死魄涵星一影散秋煙
人間湯道銷沈事也有滄桑入硯田

殘簡

雷電憑空構六丁丹黃手澤尚留馨蝸延篆籀痕難辨
蠹食神仙字不靈千古文章多佗傑百年耆宿已凋零
坑灰豈獨遭秦火兵燹叢殘我亦經

秃筆

鼠鬚脫盡兔毫輕拓本蘭亭仗寫成奇夢有花今冷落
科頭無帽亦風情歸來少保飄絲鬚老矣中書卧管城
笑我才華隨筆退圍身如塚只埋名

舊劍

歐冶干將古絕倫，至今入手尚通神。
斗牛慘磨冲霄氣，龍虎沈埋歷劫身。
大有英雄藏草澤，敢輕付託誤風塵。
土花拂拭從軍去，肯把吳鉤別贈人。

昏鏡

寶匣塵封月一規，銅花斑駁土花垂。
妖魔縱在何由始，形影相憐總莫知。
似與盲人談黑白，從今世俗混妍媸。
洗磨我有澄清志，看取盤龍隱躍時。

千載一邱圖為陸竹樓

一官飽繫歎途窮，不信真垂保障功。
成敗也知論氣數，

二十三

安危從古仗英雄，丹青炤耀飛塵裏。
碑碣叢埋宿莽中，回首荒原松柏在。
靈旗來往動陰風。

崇川龔漱六桐陰課子圖遺照詰嗣少華乞題

青雲盤鳳晚不住，飛上梧桐最高樹。
桐樹高高森百尺，下有先生課子處。
先生行義夙耳名，里鄙藉甚推明經。
義方教子有古訓，傳家詩禮來趨庭。
薰香膏明有銷歇，天年竟夫吾龔生。
寒窓老屋青鐙青，昏黑薦地罡風鳴。
桐花吹落老鳳死，遺雛孤嘶慘無聲。
吁嗟乎焦桐似是良琴質，中郎一去誰披拂。
讀書原不為功名，青氈本是吾家物。
即今披圖如往復，為君蓼莪廢卒讀。
想見鬢年

問字時桐陰結乳垂新綠

除夕和稚泉原韻

依然分歲又開筵
促坐妻孥話眼前
人歷飢寒餘傲骨
天留風雪送殘年
家貧只少添詩債
鄰好猶堪貰酒錢
馬齒明朝便加長
曉鐘切莫擾高眠

眉川集補遺

浮橋

城東有浮橋乃在東海濱土脉墳且墟民俗樸以醕我
來正清秋原野自鋪茶燦燦花如雪藹藹稻如雲青疇
與白壤一一交龍鱗父老羅酒漿款我陳艱辛比年吏
追呼叫囂前後鄰賣花盡換米窘迫供租緡揭竿盜風
熾皆由此輩焉及今又喪亂何以蘇黎元酒有綴酸薄
語摯情自親日暮幅巾歸夕陽明遠邨

哭蔣飛卿

羨君骨相果嶽奇。庶劫星霜志不移。再世赤眉何太酷
一門黃口竟無遺。燕巢豈是常依幕。馬革奚堪遂畏尸。
回首平生舊知己。西風把酒酌靈旗。

自遣

薦蘿松柏暫相投。牢落天涯一敝裘。塵海喜曾無鶴唳
雪泥記尚有鴻留。桑麻晚靄煙中畫。笳鼓秋風夢裏愁。
自顧只今衣帶緩。強將尊酒慰離憂。

煙村竹枝詞

黃蘆苦竹繞柴關。卧聽田歌淚自潛。一樣嘯啞聲入破
箇中誰唱念家山。
潮聲依約走江邨。漁子清晨來叩門。昨夜海魚風信起

沙灘六月上河豚
窮鄉地僻少征徭海上傳聞警斗刁為約今年新起社
神祠疊鼓賽青苗

食貧

艱難生計苦安排歎息蕭條萬事乖莫笑庾郎二十七
只宜清守太常齋

中秋望月

清光依舊淡星河桂子黃時好景多記得年年當此夕
伎堂絃管簇雙蛾

斗轉星回萬事非可憐景物故依依關山月上秋笳警

露冷風高炤鐵衣

九日

閉門枯坐九迴腸無計茱萸插隱囊白酒黃花孤負却
愁心和雨過重陽

八月二十二日記事

我生厄陽九逢天正憚怒慟哭窮途中復遭亂離苦倉
黃西北行飄飄無定所大海橫我前日落氣蒼莽昏黃
迷失道窘迫投村戶夙昔昧平生初未相爾汝頗感主
人賢開軒具雞黍匪惟一飯恩信舍容我處回首烽煙
青胆落驚笳鼓白雲杳前途咫尺隔秦楚中宵起旁皇

嗒然摧肺膈，牆頭滿鄰人。謹呼已無虜，聞此喜欲狂。
無奮飛羽間，道視家室急。足併數武望，望抵里門桑。柘
自環堵入，門喜無言坐。久淚如雨。

天門開

罡風亂鬢劇，光怪金光變。滅琉璃界大千，千劫塵沙
萬丈蓮花歎。墮壞鬼伯九約角，何鬢紛紛子母相。圍隨
長背利鉅，敦肢血拇騰而狂。趙逐人駉駉得毋羽，淵厲
黃能神仙脫鎖支。離祁祝融畔，官逆行令奔走雲霧廝。
風雷神仙下，讐屏營伏陰火。銷冶金銀臺，顛頊元冥尸。
厥職遁逃元根困，排拶火炎崑岡玉。石焚神焦鬼爛走。

三

不脫天門開，誅蕩蕩日月。焰耀黃金榜，排雲直上叫閭闔。
闔九關虎豹扼，不納帝閭冥冥。哀充耳，蹂廝輿尸任蹴。
踏昨宵百靈降，妖魔咫尺雷雨聲。交加列缺為御，今辟
歷為車靈皇皇。兮列如麻，鬼聲啾啾訴煩苦。衆生一切
儻茶波飯，依稽首安得賜。迦護鉢中現出優曇花。

寓中以麪作飯戲作此詩

君不見韓昌黎，飢寒徹骨妻兒嗁。又不見蘇子瞻，窮居
三月食無鹽。含辛茹苦了無礙，二子風流冠當代。天生
賢豪有處置，要使冰霜濯紈綺。我非詩人與禪穢，坐飽
糠覈且權耐。寓公十口可憐生，腰腹如盈空彭亨。歸來

彈缺坐餓死枯腸一一如牛鳴以我御窮出新意分減
盤飧為一試枕榔搓粉暈浮白蔥薤挑甲擷新翠細搗
芳辣屑薑桂卻和酸鹹下鹽豉紛紛聶膾飛銀絲灑灑
流酥懸玉筋米珠薪桂且湯愁飽食一頓徑須睡人生
貧病最無聊作詩自戲還自嘲金齋玉餽不須說屢空
已是傾簞瓢行當導引學辟穀長鑱去剷黃精苗

